



ნახ. ჯ. ლოლუბანი

— ამ მოსყავლეს ორიანი დაუფარეს და ხუთ დღი.  
ანი უიუფლოება გამოსაცხადა!



# საქართველო

# საქართველო



## კვერცხები

1

დღეს დავინახე  
 კვერცხებიანი მამაკაცები  
 და კვერცხებიანი ქალები!  
 ოცი, ორმოცი,  
 ოთხმოცი კვერცხი მოჭკონდათ  
 და ბედნიერება  
 მათი სახით იარება!  
 ნეტავ, ვინ გვიქცია,  
 ვინ გვიქცია ოქროდა  
 ქათმის... იმიდან  
 ბოძებული ზიარება?!

2

მე ახლა ძალიან ვეცდები,  
 ჩემი საკუთარი კვერცხები  
 რაც შეიძლება, ძვირად გავყიდო!  
 საბაზრო ეკონომიკას —  
 სხვასთან გაქცეულ მამიკოს —  
 ეს ერთი ცოდვაც ავკიდო!

3

კვერცხი აღრე გაჩნდა  
 თუ ქათამი?  
 არ არის ეს ამოცანა  
 მართალი!  
 აღრე „ნეპი“ იყო  
 და ილიჩი,  
 დღეს კი რა იქნება,  
 ვინ იცის!



იმპერია

1

დათვი რომ დათვია და  
 მოგერევა,  
 უნდა „ბაბაია“ უძახოს!  
 გუშაგად კატაც ხომ აგერა,  
 ქვეყანა თუ დარჩა უძალლოდ?  
 იმპერია იმფერია. — სიგლახეს  
 კახპასავით უნდა მალავდეს!  
 მოგვერიე, ბაბაია, მიგვლახე?  
 — მალადეც!


2

თუკი გშია, ზაქარია,  
 ცივი მჭადიც ზაქარია!  
 ახლა მჭადიც გამქრალია,  
 ახლა მარტო ქაქანია!

3

ძველბიჭვივით არ გვიშვებს,  
 ვითომც სულ უბოროტო: —  
 ერთად უნდა ვიაროთ,  
 ერთად ვიმათხოვროთო!  
 ისევ სოციალიზმი  
 არის ჩვენი სათავე!

მოვსობთ კაპიტალისტებს...  
 ხელს თუ გავვიმართავენ!



4

იმპერიის აგონია  
 იბერიის რა გგონია? —  
 რუსულად რომ „აგონია“,  
 ის ქართულად სარგონია!



პრეზიდენტმა ისტალინა?  
 და „კაგებემ“ იბერია?  
 ისეთია იმპერია,  
 ვერ გაუძლებს იბერია!  
 მაგრამ თუა ნამიბია,  
 მაგრამ თუა ნიგერია,  
 მაშინ ველარ გამიგია —  
 ვინ შვილია, ვინ გერია?  
 მზის ქვეშ გვქონდა  
 ჩვენც ადგილი,  
 „დიდების“ ხმა  
 რეკდა გუშინ!  
 „ღმერთო, ღმერთო,  
 ეს ხმა ტკბილი  
 გამაგონე ჩვენს  
 მამულში“

ილუსტრაციები ჯ. ლოლუასი



— რატომ არ დადის ეს კაცი სამსახურში?  
 — ავტორიტეტს უფრთხილდება! ეშინია, სამსახური არ დაკარგოს!

ნახ. ჯ. ლოლუასი



**წინადადება შემომაქვს**

**დედაქალაქის** მთავარ მოედანს იმდენჯერ შეეცვალა სახელი, კაცს ჩამოთვლა გაგიჭირდება!..

ბოლო დროს ლენინის მოედანი ერქვა.

მერე „კომუნიზმის მწვერვალებისაკენ“ ხელგაწვდილი ტანმორჩილი კაცის მაღალი ძეგლი აიღეს და...

ზოგმა თქვა, დავით აღმაშენებლის მოედანი დავარქვათო. ზოგმა — ქეთევან წამებულისაო, სხვამ — რუსთაველისაო...

ბოლოს თავისუფლების მოედანი უწოდეს.

ეს მე არასწორად მიმაჩნია: მომავალმა თაობებმა ხომ უნდა იცოდნენ, რისგან განიჭმინდა დედაქალაქის მთავარი მოედანი?

ამიტომ წინადადება შემომაქვს, ნუ დავკარგავთ სიტყვებს — **ლენინი, ძეგლი, მოედანი** და ამ ადგილს ლენინის ძეგლისაგან გათავისუფლებული მოედანი ვუწოდოთ!

**ალექსანდრე გორგოზელი**

**ახსნა-ბანმარტეპა პროფორბს**

(საოჯახო არქივში შემორჩენილი)

**დავიგადა** კლასობრივი მტრის ოჯახში. მამა დახვრიტეს. ხალხის მტერი დედაჩემიც ზედ მიაყოლეს.

უპატრონო ბავშვთა სახლში გავიზარდე. გზას არ ავცდენილვარ. კომუნიზმის მშენებელი საზოგადოება, პარტიული, საბჭოთა, სამეურნეო, კომკავშირული, პროფკავშირული ორგანიზაციები დამეხმარნენ იდეოლოგიური დონე ამემალღებინა და თვითნასწავლი მხატვარი გამოვსულიყავი.

ჩემი ფერწერული ტილოები მსოფლიოში ყველაზე ჰუმანური საბჭოთა ქვეყნის წინსვლას და აყვავებას ასახვენ.

შევემენი პორტრეტები: „ოქტომბრის ბელადი“, „სტალინი და პოლიტიბიურო“, „პავლიკ მოროზოვი“, „შინსახკომელი“. მეზობლებში მოწონებით სარგებლობს ჩემი ჩანახატები: „კომუნიზმის ყლორტები“, „ლენინ-სტალინის საქმისათვის იყავი მზად!“, „ყველაფერი კეთდება ხალხისათვის!“, „ბედნიერი ბავშვობა“, „გავასწრებთ ამერიკას!“, „ვიცხოვრებთ კომუნიზმში!“.

ამჟამად ვმუშაობ ციკლზე, რომელშიც შთამბეჭდავად აისახება მე-11 არმიის მიერ საქართველოს განთავისუფლება, ჩვენი აყვავება, აშენება და დამშვენება.

ახლა, როცა ყოველდღიურად უმჯობესდება საბჭოთა ადამიანის მატერიალური და კულტურული დონე, როცა ჩვენი მესაქე პარტია დიდი სტალინის ბრძნული ხელმძღვანელობით ახალ-ახალი გამარჯვებებისაკენ მიგვიძღვება, მეც მინდა შევიტანო მცირეოდენი წვლილი საერთო საქმეში.

გთხოვთ გაითვალისწინოთ ყოველივე ზემოაღნიშნული და ფულადი დახმარება გამიწიოთ **შარვლის** შესაძენად.

**უშარვლობა** საშუალებას არ მძღვეს პარკში ვიარო და რევოლუციის მგზნებარე ტრიბუნი კიროვი თავისი ძეგლის ნატურიდან გადმოვხატო.

პროფკავშირის წევრი  
**დამეხტრა ოთარიშვილი**

1952 წ.



### მოსაზრება

**შურანლისტმა** ა. აჭუბეიძე თავისი ძვირფასი სიმამრის ნიკიტა ხრუშჩოვის მიერ გაერო-ში ჩადენილ უხამსობას „უდიდესი დიპლომატიური მოქნილობა“ უწოდა. დიპლომატიურისა რა მოგახსენოთ, მაგრამ „მოქნილობა“ ნამდვილად იყო, ოღონდ არავითარ შემთხვევაში — „უდიდესი“: ნიკიტას ფეხსაცმლის გახდით და მაგიდაზე ბრაზუნით თავისი შესაძლებლობები არ ამოუწურავს თუნდაც იმიტომ, რომ გაეროს სათვის თავისი გაშიშვლებული უკანალი არ უჩვენებია, რაც მისგან ნამდვილად მოსალოდნელი იყო!

### წინადადება

**ღრმა** მეცნიერული გამოკვლევების შედეგად დავადგინე, რომ ლეონიდ ბრეჟნევის 117 ჯილდოთა შორის არ არის მედალი „წყალწადებულთა გადარჩენისათვის“. ამავდროს გენიალურ წიგნში „მცირე მიწა“ (ნამდვილი ავტორი დაუდგენელია) დაწვრილებებითა აღწერილი. თუ როგორ გადაარჩინა ლ. ბრეჟნევი სამხედრო მოსამსახურე, რომელიც აფეთქების ტალღამ გემბანიდან ზღვაში გადააგდო...

გენმძღვანელობ რა სამართლიანობისა და ისტორიული სინამდვილის დაცვის პრინციპებით, მოვიხოვო: ლეონიდ ილიას ძე ბრეჟნევი სიკვდილის შემდეგ დაჯილდოვდეს მედლით „წყალწადებულთა გადარჩენისათვის“!

### შესაბამის თუ არა „კარნატიკა“?

ეს კითხვა ერთ-ერთი ზესახელმწიფოს პირველ ლედის (გვარს არ დავასახელებ) მაგონებ: იგი პირველ ოფიციალურ შეხვედრებზე პროვინციული, ცხლად დახვეწული, შუბლის მარჯვენა მხარეს ცხვრის დუმიანავით ჩამოკიდებული ვარცხნილობით, გაჩიუტებული მოზვერივით ფეხებგაფარჩხული იდგა თავისი მეუღლის გვერდით (ოდნე წინ) და ყველის ვაჰარივით კრეჟდა კბილებს. ახლა მის ვარცხნილობას, ჩაცმულობას და დახვეწილ მანერებს (განსაკუთრებით — რაფინირებულ მეტყველებას), ყველა აკეთხში გარკვეულობასა და გა-

თვითცნობიერებულობას ამკვეყნად ძალზე ბევრი შენატროს!

„პერსტიკია“ ნამდვილად შესდგა და იგი კიდევ მრავალ მოულოდნელობას გვაპირდება!

### აუცილებელი შესწორება

**სიხსლის** სამართლის კოდექსის 104-ე მუხლის მეოთხე და მეხუთე პუნქტების მიხედვით განჯარბ მკვლელობა, ჩადენილი დამამძიმებელ გარემოებაში ორი ან რამდენიმე პირისა, წინასწარ შეცნობით ორსული ქალისა ისჯება თავისუფლების აღკვეთით ვადით თხუთმეტ წლამდე, გასახლებით ვადით ხუთ წლამდე ან უამისოდ ან ისჯება სიკვდილით.

ეს მუხლი აუცილებლად უნდა შესწორდეს და ასე ჩამოყალიბდეს: განჯარბ მკვლელობა დამამძიმებელ გარემოებაში ორი ან რამდენიმე პირისა, წინასწარ შეცნობით ორსული ქალისა, თუ იგი ჩადენილი არ არის ჯარისკაცის ხელბარით. ისჯება... (შემდეგ 104-ე მუხლის შემოაღნიშნული ტექსტის მიხედვით).

ამავე მუხლს განმარტების სახით უნდა დამატოს: ჯარისკაცის ხელბარით ორი ან რამდენიმე პირის, წინასწარ შეცნობით ორსული ქალის განჯარბ მკვლელობა სასჯელს არ ითვალისწინებს.

აქვე უნდა მიეთითოს, რომ ჯარისკაცის ხელბარის უპირატესობა ნიჩაბზე, ფიწალზე, თოხზე და ა. შ. არ ვრცელდება, თორემ მომავალში ამ იარაღებით მოგვიღებენ ბოლოს და პასუხს არავის მოსთხოვენ!

### დიალოგები

— რა უნდა გაცეთდეს, რომ საბჭოთა მანეთი კონვერტირებული გახდეს?  
— კონვერტში უნდა ჩაიღოს!

— ტროლეიბუსში რომ მეცადინებო, აუდიტორიაში რას აკეთებ?  
— მძინავს.  
— ლაბორატორიაში?  
— შევიდვარ, რო?!  
—

— სიმონ. რა გქნათ?

— თუ თვითმფრინავმა გადაიფრინა, რესტორანში წავიდეთ, თუ შეველმფრენმა — კინოში და, თუ ინსტიტუტის წინ მფრინავი თეფში დაჯდა, ლექციაზე შევიდეთ!

— ვიოლა, ნახე რა კარგი ჭიხვის რქებია! მეუღლეს უყიდე, გაეხარდება!

— რქები მას საკუთარი აქვს და ეყოფა!

— რა განსხვავება იქნება ფსიან და უფასო უმბლეს განათლებას შორის?

— ბევრი არაფერი: ფულს, რომელსაც უფასო სწავლებისას უმბლესში მოსაწყობად აძლევენ, მომავალში დიპლომის აღებაში გადაიხდიან!

— ვფიქრობ და ვერ გამიგია: რატომ აგზავნიდნენ 1941-ში ფრონტზე უიარალო ჯარისკაცებს?! თოფები თუ არ ქონდათ, ხელბარები ხომ ეშოვებოდათ?

— რას ამბობ! 1989 წლის 9 აპრილამდე ხელბარი განსაკუთრებით საიდუმლო იარაღად ითვლებოდა! ფაშისტებისთვის ამ საიდუმლოს გამხელა არასდროს არ შეიძლებოდა!

### ინტერვიუ

**ამერიკელი** ყურანლისტი საბჭოთა მოქალაქეს მიმართავს:

— რას შეადგენს თქვენი ერთი თვის ფულადი შემოსავალი?

— ექვსას მანეთს, ესე იგი, დაახლოებით ას დოლარს!

— მაპატიეთ, თქვენ თავს მათხოვრობით ირჩენთ?!

— არა! მე მეცნიერებათა დოქტორი ვაზლავართ, პროფესორი, კათედრის გამგე!

### გავმოცანა

**კოოპერატივის** პური ათი შაური ღირს. მისი წონა ათი შაურიანის წონის ტოლია.

რა ღირს ერთი გრამი პური, თუ შაურიანი ათ გრამს იწონის?



# სოფლის ლაზირება



ნ.ბ. მ. აბაშიძისა

— გაიბა?! მანიჩას ბიბი ჩვენი ფარის გოჭების დაცვის კრეზი დენთაღ აურჩივიათ!

ქნა, მიხანრი, თუ ძან ხან სიპანილო? ვიქა ვეხირომ მოიყენა, უჩრებლის ხელო ხომ ახ უჩიან შიგ?!



იხეთი სოფლებია საჩხერეში, იხეთი სოფლები აქვს საჩხერეს, მათი სილამაზე ზეტაში  
გადამფრენ ფრინველებს აჩერებს!..  
იცქისიც სოფლობდა დიდებულად, გორაკებს ლამაზად შეფენილი,  
აკაკის ლექსს ჭავდა ამღერებულს, იჭვარა ამკობდა რეფრენივით!..  
მზე ამოდიოდა იცქისში და მერე შუქს სხვებსაც ჩუქნიდა,  
ყოველი უბანი უბნობდა კეთილად, მშვიდობის ჩიტს აფრენდა უბიდან!  
მარცვალს უკულმა მოაბნევდი, წალმა ამოდიოდა ჭეჩილად.  
ზვრებს გარშემო ერთყა ხეხილი, ვარსკვლავები ტოტებით ეჭირა!  
ცხოვრება დულდა და გამოდულდა, იყო ქორწილები, სადილები,  
ყველას ახარებდა ქალ-ვაყები —  
იცქისში კაცურად გავრდილები! მაგრამ კვარცის ქვიშამ არია ყველაფერი,  
იცქისთან რომ აღმოჩნდა შავ კირად, ველარ დაიოკა ტკივილები  
მიწამ — ბულდოზერით დაჭრილმა!..  
ბევრჭერ იკვნესა და ითავცემა, მაგრამ ვინ უხმენდა საცოდავს?!  
თხრიდნენ უჩაღურად, უსულგულოდ, ქვიშა გაჰქონდათ და გაჰქონდათ!..  
ქარავნებს მისდევდა ქარავნები, ხავსე მანქანები დაქროდა,  
ვილაც-ვილაცები მდიდრდებოდნენ, იცქისელთა დარდი არ ჰქონდათ!  
სახლებს შემოეწვრათ ბალავრები, სასაფლაო იქცა ტიალად!..  
ქვაც კი აატირა იცქისში სოფლის ბედის უკულმა ტრიალმა!..  
ვაი, რა სოფელი მოიშალა, ღვთიურად შემკული, შენაფერი (სტალინს ნუ დავაბრალებთ ამხაც, მის შემდეგ მოხდა ყველაფერი!)  
იცქისი, ლამაზი იცქისი! ჰოო, რა ხალსი და რა მიდამო! მინი მოხსობა და გაუქმება,  
ვაიშე, რაგორ ავიტანოთ?!

ნოდარ შამანაძე







შვილს დედა შობს და  
დედა ზრდის! —  
ამას არ უნდა მისანი!  
შვილი და მხოლოდ შვილია  
დედის მაღალი მიზანი!  
ვისაც ის ძუძუს აწოვებს,  
მამულის ბურჯი ის არის!

ნაკლებად გამოდგებიან  
ნაზარდნი ფხვნილის რძისანი!  
შვილს დედა შობს და  
დედა ზრდის! —  
ამას არ უნდა ცილები!  
მისი ამაგი სხვისასთან  
არ არის შესაწყვილები!  
შვილს დედა თუ არ დაჰხარის —  
თვალ-და-გულმოუცილები,  
კიდევაც დაიზრდებიან...  
საბავშვო ბაღში ტილები!..

„მით გასახშილდა წინწყალი,  
გირგლად გარდიქა სიონი,  
მისგან შეირყა მეტეხი,  
მისგან დაიქცა სიონი:  
მან ვახტანგ, ძე ლევანისა,  
შეიპყრა ბაგრატიონი.  
უპატიოდ უვნა შვიდ წლამდის  
იქ დიდად საპატიონი“.

... თუმცა... ვინ გურამიშვილი?!  
შენ — მხოლოდ „ილუზიონი“!

„რარიგ კარგია, სამშობლოვ,  
შენი მტკვარი და რიონი,  
შოთა, ილია, აკაკი,  
ვაჟა და გალაკტიონი!

... თუმცა ესენი რად გინდა?!  
შენ — მხოლოდ „ილუზიონი“!

„მინც არა ხარ, წისქვილო,  
თუნდა მოგიგდო იორი!“

... თუმცა შენ არც ანდაზა გიყვარს,  
შენ — მხოლოდ „ილუზიონი“!

მე უკვე წინასწარ ვიცი,  
რას მიპასუხებ, რომ გკითხო:  
— „შალვა შავლეგო“?  
— ძველია!  
— როკით ხო ტპებები?  
— როკით, ხო!

შენ არც ეს ანდაზა იცი,  
(„როკის“ გულისთვის რო  
კვდები). —

„როგორც დამიკრავ ფანდურსა,  
მეც ისე დაგიროკდები!“

„ქართული“ დაგვიწყებია,  
გადაუოლილო „როკისთვის“!  
„როკი“ „ქართულთან“ ვერ მოვა,  
როგორც — მყინვართან როკითი!

„ბებერსა, სახლოდ შემკულსა,  
გაფრთხილდი, მოერიდეო!“  
... თუმცა შენ საბა რად გინდა,  
შენი ჰობია ვიდეო!

ცხენო, გასუქებ, რემო,  
ძუა-ფაფარსა შლიდეო,  
ნანდობის კარზე დაგაბამ,  
ორგულის გულსა ჰგლიჯდეო...“  
... თუმცა შენ ლექსი არ გიყვარს,  
შენი ჰობია ვიდეო!

კაცთმოძულეობა ვთვებით და  
სიკეთეს ძირი ვუხმეთ,  
ღმერთი იმდენად გავვიწყრა,  
უურნალს „ღმერთო“ ვუხმეთ!

რა ეშველება  
ამდენ ნაგიჟარს,  
ამდენ მოკვიბილს  
და იანგიჩარს?!

ძმამ გაუწიოს ძმას ძმობა,  
დას გაუწიოს დამ დობა,  
ხოლო მეშინან და მედროვეს —  
არავითარი დანდობა!

მე, რა თქმა უნდა,  
ვინმეს არა ვხჭი,  
არ ვარ მსაჯული  
და არც ვეჭილი,  
მაგრამ ხომ ვიცი,  
იღებს დარაჯი,  
იღებს ექთანი, იღებს ექიმი!..

ტრიალებს მუდამ  
საკუჭნაოში  
ერის ბედისთვის  
მუნჯი და ურუჯი.  
შუბლზე მრავალი  
ადევს ნაოკი.  
მაგრამ ტვინი აქვს  
კვერციხვით გლუვი!

ვინაც უშრომლად არამი  
ფული იქიბა, იქიბა.  
ილოთა, იუოზარბაზა,  
იძახდა „შაში-იქი“—სა,  
ბოლოს მასხარად გადიქცა,  
აქ ეს ქირდავდა. იქ — ისა,  
ისე წავიდა სულეთში.  
თავი ვერაფრით იქისა!

გამოვექეც და არ ვიცი,  
სოფელს როგორ დავენახო!  
ვაი, ჩემო წყალ-წისქვილო,  
ჩემო ბაღო და ვენახო!

— ვაჟაკი ლალი და  
უკადრი,  
გეთყუვა, რა იქნა  
ბათაყვა?  
— ზღვასავით გაშლილი  
სუფრები უყვარდა,  
ძან ღრმად შეჭყვა  
და... გადაჭყვა!

ნახ. ბ. ზუბაზვილისა



ზ.ზ.





# მსუნაგეიშქეში



● **პრტამს** თუ იღებდა — უყვარდა დამრგვალებული თანხები, მრგვალს ჩემულობდა მაგიდას პრესის სხვადასხვა არხებით.

● **მუშტა** სმა-ჭამით მოლორდა, გასუქდა, კარგად დამრგვალდა, მერე მაძლარი წამოწვა მოშიმშილეთა ჯარგვალთან.

● **გლომად** მაყუთი მოლუნა, განძით გაავსო სარდაფი, მერე გავიდა ქუჩაში, მოღურად დაჰკრა დაფდაფი.

● **ნიადაბ** იღგა ბაზარში, შინ ხდიდა დიდი ქვა-

ბით რახს. სამკერდე ნიშნად იბნედა ქართულ ეროვნულ ბაირაღს.

● **პირ** შეელია ძველ წესებს: გამოძლვას და შეწერას! ხან სულს ავედრებს კომუნისმს, ხან — მღვდელს და ხანაც — ტერტერას.

● **პარბაღ** არ იცის, ბუ თავი რომელ პალოზე დაიღრძოს, შორით ჭვრეტს არაფორმალებს — იმათში ეძებს სასიძოს!

მსუნაგეიშქეში დააჯაშნიკა  
მერაბ ელგუჯაშვილმა

- რატომ უყვფხს ეს კაცი მთვარეს?
- ძალღური ცხოვრების გამო!

ნახ. მ. კუციანსი



## გაგონილ-მოგონილი

**მარადიული** არაფერი არ არის მთვარის ქვეშო! — უთქვამს ძველ ბრძენს; და მართლაც, საბჭოთა კავშირში დროებითია ყოველგვარი დეფიციტი, დროებითია სინწლეები და უმუშევრობა, დროებითია უცხოეთის ქვეყნების ტერიტორიებზე საბჭოური საოკუპაციო ჯარების ყოფნა, ორგანიზებულ დამნაშავეობასთან ბრძოლის კომიტეტიც დროებითია! რა ვუყოთ, რომ ეს „დროებითი“ ადამიანთა მთელი თაობის სიცოცხლეს სწვდება — ბოლოს და ბოლოს, ამქვეყნად ადამიანიც დროებითია!

...ღმერთო, საქაროობა, პლურალიზმი, დემოკრატიის სწავლა მაინც ნუ იქნება დროებითი!

**უპარობის** ეპოქაში ერთი ჩვენებური კაცი (სხვათა შორის, კარგი ფიზიკოსი), აშშ-ში ხანგრძლივი სამეცნიერო მივლინებიდან დაბრუნების შემდეგ, შთაბეჭდილებების გასაზიარებლად გამოსულა თანამშრომელთა წინაშე: კარგა ხანს აღტაცებით ჰყვებოდა თურმე, რა შესანიშნავად ცხოვრობენ ამერიკელები, მაგრამ ბოლოს, ეტყო-

ბა, იდეოლოგიური ნერვი მაინც ათრთოლებია და გამოსვლა ასე დაუმთავრებია:

— მაგრამ რად გინდა რა, წყობა არ უვარგათო!..

**საბჭოური** კანონები, როგორც წესი, შემდეგ პირობებს აკმაყოფილებენ: უწესონი არიან! დროულად არასოდეს არ გამოდიან! მნიშვნელოვანწილად გაუგებარნი რჩებიან! რაც გასაგებია, ისიც არ სრულდება!..

**გაჯავარადინე** უძრავად მდგარ მერანზე ამხედრებულ იარაღსხმული რაინდი ორმად ჩაფქრებული შესტკეროდა წარწერებს: „მარცხნივ წახეალ — მიტინგზე მოხვდები! პირდაპირ წახეალ — მოშიმშილეებს მიადგები! მარჯვნივ წახეალ — მკლომარე საპროტესტო აქციას გადააწყდები!“

რაინდმა უკან გაბრუნება არჩია!

გაგონ-მოგონა  
თამაზ ებანოიძე



# ლუარსაბის სიზმარი

თანამედროვე ვარიანტი

... ლუარსაბი გადატრიალდა და პატარა ხანს უკან ერთი მადლიანი, თავისებური ხვრინვა ამოუშვა..

ნეტავი კი არ დაეძინა! ძილში საშინელი სიზმარი ნახა! ნახა, რომ ავად ხდება, ძალიან ავად, ისე რომ, ვითომ მოკვდა კიდევაც, მაგრამ ისე კი მოკვდა, რომ ყველაფერს გრძნობს და ხედავს! საშინელ მდგომარეობაშია საწყალი, ცოცხალ-მკვდარი ლუარსაბი! „ვთქვამს, რა დროს მოკვდები! ძლივს ღმერთმა შვილი მაღირსა, გავზარდე, ჩემი ძმისა და რძლის ჯიბრზე ინსტიტუტში მოვაწყვე, სამსახურშიც ძალიან დაწინაურდი. ავი არაფერი ჩამიდენია, ეგ იყო, ხანდახან მიწებს ვყიდდი, მა რა მექნა?! ოჯახი მქონდა, ცხოვრება მინდოდა, მტერი იყო, მოყვარე, ყველასათვის საკადრისი პასუხი უნდა გამეცა! — ამბობს სიზმარში ლუარსაბი, — ახ, ნეტავი ახლა კი გავცოცხლდე და..“

მაგრამ სად არის გაცოცხლება! ხედავს, როგორ მორთის სამგლოვიაროდ სასტუმრო ოთახი, შავი ხავერდის უზარმაზარ ფარდაზე, მთელი კედელი, რომ დაუფარავს, მისი გადიდებული სურათი მკიდია!.. აი, მოიტანეს მუხის კუბო, ჩაახვეწეს კიდევ კუბოში და დაახვეწეს არაბული ხალიჩით დაფენილ ტახტზე!.. იაპონური „პანასონიკიდან“ სამგლოვიარო მუხიკა იღვრება, უწყვეტ ნაკადად მოდის და მოდის ხალხი, მოაქვთ და მოაქვთ ყვავილები და წარწერებიანი გვირგვინები!.. ფრანგული ყორწყების შავ ელფგანტურ კაბაში გამოწყობილი დარეკანი დინჯად იღებს სამძიმარს. „ეგ იმედი მქონდა მაგისგან, — ბრაზობს ლუარსაბი, — ერთი მოთქმით ტირილის ღირსი მაინც არ ვიყავი?“ ხმამაღლა მარტო ლუარსაბის მძლოლი ზღუქუნებს!..

დადგა დაკრძალვის დღეც, სახლის წინ ხალხის ტევა არ არის, ახწიეს კუბო და წაიღეს ტირილითა და გალობით. ამ ზღვა ხალხში უცებ ვიღაცამ იყვირა: „დამარხვის ღირსი არ არის, ხალხო, არა! უნდა დაიწვას!“

გაოგნდა ლუარსაბი, ქირის ოფლმა დაასხა. ეს, იმ ექვსი შვილის მამის ქმად ჩაესმა, საკარმიდამო ნაკვეთის სათხოვნელად მისულს, კაბინეტიდან სულ კინწისკვით რომ გამოისროლა. „მართალია, მართალი! — ხმა მისცეს დანარჩენებმა, — ქართული მიწების გამყიდველს ქართულ მიწაში განსვენება არ ეგების, არა!“ — ატყდა ერთი ყურისწამლები ყვირილი და ალიაქოთი, მივიდნენ ვითომ ამ ყოფაში სასაფლაოზე, ხედავს ლუარსაბი — ახალგაქრილი საფლავის ახლოს ცეცხლი ანთია, ცხა სწვდება იმისი ალი!.. მის გარშემო გახარებული უვლიან დავლურს დავითი, ელისაბედი, ლუარსაბის ბელჯვეიოები, სიცოცხლეში ერთგული ფინებივით თვალეში რომ შესციცინებდნენ და, ლამის იყო, მისი ნაფხურებიც კი დაეკოცნათ! „კლახები! — ლამისა ცრემლები წამოსცივიდეს მკვდარ ლუარსაბს, — ახას მოველოდი მაგათგან!“ ყვირილი და ალიაქოთი მატულობს, ხალხის აღტკინება აპოთეოზს აღწევს: „მშობლიური მიწის გამყიდველი ნუბელ მიწაში არ უნდა დაიმარხოს, არა!“ „სწორია, სწორია!“ — გუგუნებს ცა და მიწა. „მოიცათ, ხალხო, მოიცათ!“ — ღრიალით ჩაეჭიდა კუბოს ლუარსაბის მძლოლი, ვინ უგდო ყური ან ის ერთი რას გახდებოდა ამდენ ხალხთან?! უკვე ისე ახლოს მიიტანეს კოცონთან, სახეს მისწვდა ალის სიმზურვალე!.. „შემიბრალებთ, მაპატიეთ!“ — იბღავლა შეშინებულმა ლუარსაბმა, წამოიწია, ვითომ კუბოდან ამოხტომა უნდოდა და იატაკზე დაგებულ ხალიჩაზე მოაღინა ბრაგვანი!..

მასურზე გაეღვიძა დარეკანს, სინათლე ანთო, იხილა რა ამგვარ ყოფაში საყვარელი თანამეცხედრე, შემკვიფლა და გულგახეთქილი მიიჭრა.

— უი, შენს დარეკანსა ეს რა დაგეპართა, შენ გეთაყვანოს ჩემი ცოცხალი თავი?!  
 ლუარსაბი ჯერ ვერ გამოკვეთილყო სიზმრის ბურუსიდან, იქდა ასე გაშტერებული, პირდაღებული, სიკვდილის ფერი ედო ოფლთან სახეზე და დაქუცტილი თვალებით უზაროდ ათვალისკვნიდა ფრანგულ საღამურში გამოწყობილ მშვენიერ დარეკანსა.  
 მტრედისფერი ალიონი მორცხვად იკვრებოდა არაბული კალით გაბღღვრალებულ, „მონა ლიზას“ ავეჯით გაწყობილ მყუდრო საძილეში.

ლელია მეტრეველი  
 (გორის რაიონი, სოფელი ფლავი)



უსიტყვოდ



ნაფი ჯაყოს ძე  
ჯუსორით

როცა საქართველოს  
წყევლით  
პირზე მოქალაქაფი,  
ქველას დაგვეშურა  
კრემლით  
ჯაყო ჯუსორითის ლაპი;  
როკის უბნელასი  
ხვრელით  
მოსკოვს მიუხონდა  
ნაფი,  
სადაც საქუთარი ხელით  
თავზე გადაისხა ლაფი!

ოთარ ბელიძე



— მართლს ამბობს ეს კაცი: ხვლიდან მანქანა სხვა ფერად უნდა შევალევიწო!

# ქვემოთაა

## ბასტრონომები

- ამიწონეთ ერთი კილო ძეხვი
- რომელი, ქალბატონო, „საიუბილევო“, „დედაქალაქური“, „მოსკოვური“, „სერვილადი“ თუ „შებოლილი“?
- „სამონადირეო“!
- არ გირჩევთ, გუშინდელია!

## თევზინ მაღაზიაში

- ზუთხი რა ღირს?
- ხუთი მანეთი!
- ხიზილალა?
- რომელი, გენაცვალე, წითელი თუ შავი?

## ლუდის ბარში

- თითო კახა ლუდი ჩამოგვისხი, თუ ძმა ხარ, უელი გვიშრება!
- რომელი გნებავთ — ჩეხური, პოლონური, ბავარიული, თუ ფინური?
- თბილისური!
- თბილისური სადღაა?! მორჩა!..

## ჭუჩაზი

- გამარჯობა, კუკური!
- გაგიმარჯოს!
- რა მოგივიდა, რატომ კოჭლობ?
- წუხელ ეზოში ძაღლმა მიკბინა!..
- საკუთარმა ძაღლმა?
- ჰო, საკუთარმა, შეიღვივთ რომ გაეზარდე!..
- კი მაგრამ, რა მოუვიდა, რა ჭირი ეცა?
- ფხიზელი მივედი სახლში და ვერ მიცნო!..

## ნოდარ ხუნძარია

- ხევრიან, ხომ არ დაგავიწყდა, რომ ჩვენ შეუვარებით ვიქორწინეთ?
- მერე?
- შენზე ამბობენ, ვიღაც ქალთან დადისო!
- შენ რა გაშინებს, ხომ იცი, რომ ორცილიანობა არ შეიძლება!

- სუფრაზე ერთმა პიროვნებამ მეორე გაიცნო და ეკითხება:
- რა პროფესიისა ბრძანდებით?
  - მხატვარი.
  - ჩემი კოლეგა ყოფილხართ.
  - სად მუშაობთ?
  - ქალთა სალონში.
  - იქ რას აკეთებთ?
  - ვხატავ, ჩემი დახატულები რუსთაველზე დასეირნობენ, ბიჭები იტაცებენ, თქვენსას სალონში ობი ეკიდება!..

- ექიმო, თავი მტკიავ!
- რატომ?! ხო არაფერი მოგხვდათ?
- კი, ექიმო, ერთი ლიტრი არაყი მომხვდა!..
- ხოო! სიკვდილი დაგიმარცხებიათ! ორი ლიტრი რომ ყოფილიყო, აღარ გეტკინებოდათ!

- ექიმო, ნერვები მაქვს მოშლილი!
- ქმარი ხომ არ განერვულებთ?
- არ ვარ გათხოვილი!
- გათხოვდი და აკვანი დაგამშვიდებთ!

გიგო ნინაშვილი



ნ. ა. ლომიძისა



სატირიკოს და იმპორტის  
ქარნალი „ნიანბი“ №3  
(1829). თებერვალი. გამო-  
დის 1923 წლის ივნისიდან.

**მთავარი რედაქტორი  
ზაურ გომეზაძე**

სარედაქციო კოლეგია:

ავთანდილ ადგიშვილი  
(პასუხისმგებელი მდივანი),  
ჭაბუა ამირჯიხი, ნოზაძე  
ბარათია, რევაზ თვარაძე,  
ჭემალ ლოლუა (მხატვარ-  
რედაქტორი), ნოდარ მაღლა-  
შონია, ალექსანდრე ხაშო-  
ნია, ბეჟან სხვარულიძე  
(მთავარი რედაქტორის მო-  
ადგილე), ჯანსუღ ჩარკვი-  
ანი, თამაზ წიგწივაძე.

ტექნიკური რედაქტორი  
ირაკლი დუნდუა

გადეცა ასაწყობად  
3. 01. 91 წ. ხელმოწერი-  
ლი დასაბეჭდოდ 12. 02.  
91 წ. ქალაქის ზომა  
100x90<sup>1</sup>/<sub>8</sub>, ფიზიკური ნაბე-  
ჭდი ფურცელი 1,5. საღ-  
რიცხვო-საგამომცემლო თა-  
ბაში 1,9. საქართველოს  
ქურნალ-გაზეთების გამო-  
მცემლობა „საშობლო“.  
შუკე. №9 ტირაჟი 70.000.  
ქურნალი გამოდის თვე-  
ში ორჯერ. რედაქციაში  
შემოსული მასალები ავ-  
ტორებს არ უბრუნდებათ.

ჩვენი მისამართი: 880008.  
თბილისი-8, რუსთაველის  
პროსპექტი № 42.

ტელეფონები: მთავარ  
რედაქტორის — 99-55-54,  
მთ. რედ. მოადგილის —  
93-19-42, 3/8 მდივნის —  
93-10-78, მხატვარ-რედაქ-  
ტორის — 99-02-38, გან-  
ყოფილებათა გამგეების—  
93-49-32, რედაქტორ-ლიტ  
მუშაკების — 99-02-38,  
მდივან-მე მანქანის —  
99-76-69.

Сатирико - юмористи-  
ческий журнал «НИ-  
АНГИ» (на грузинском  
языке). Тбилиси, пр.  
Руставели № 42. Ти-  
нография журнально-  
газетного издательства  
Грузии «Самшобло».  
ул. М. Костава № 14.

ფანი 40 კაპ.

ინდექსი 76187

— ამ რომ დიდებული ხეივანი იყო, რა უხვავს?  
— ა-კ-ა-ფ-ე-ს-ი

КОНТРОЛЬНЫЕ  
ЭКЗЕМПЛЯРЫ